

L. B. S. D.
FACVLTATIS MEDICAE
IN
ACADEMIA LIPSIENSI
H. T.
PROCANCELLARIVS
D. POLYCARPVVS GOTTLIEB
SCHACHER,
ANAT. ET CHIRVRG. P. P.

Labium leporinum.

857.28

872

1. 1. 1. 1. 1. 1. 1. 1. 1. 1.
2. 2. 2. 2. 2. 2. 2. 2. 2. 2.
3. 3. 3. 3. 3. 3. 3. 3. 3. 3.
4. 4. 4. 4. 4. 4. 4. 4. 4. 4.
5. 5. 5. 5. 5. 5. 5. 5. 5. 5.
6. 6. 6. 6. 6. 6. 6. 6. 6. 6.
7. 7. 7. 7. 7. 7. 7. 7. 7. 7.
8. 8. 8. 8. 8. 8. 8. 8. 8. 8.
9. 9. 9. 9. 9. 9. 9. 9. 9. 9.



Oetum a primo conceptionis die ad extremum partus terminum morbis iisque bene multis ac plus vel minus periculosis aut plane lethiferis esse obnoxium, praeter multifariam experientiam monumenta Medicorum affatim luculenterque docent. Etenim ut nihil de partu præcoci, serotino, periculi pleno, aut penitus lethali, nihil de gravioribus atque acutis gravidarum morbis ancesps vitæ periculum exitiumque tenellis adferentibus, nihil de affectibus hæreditariis lento subinde gradu repentinibus natosque citius tardiusque invadentibus, nihil de monstris bicorporeis, bicipitibus, hac illaque parte orbatis aliisque monstrosis conformatiōibus, nihil de stigmatibus & maculis infantis corpusculo impressis jam dicam, paucula saltem de labio leporino proferre in præsenti fert animus. Sane hic ipse affectus, denominationem suam a labio leporis naturaliter fisso mutuatus, rarioribus morbis nullatenus annumerari meretur ; quippe qui justo eheu ! frequentius a quamplurimiis animadversus est atque etiamnum animadvertisit. Neque quempiam facile latere opinor, hunc morbum non semper eandem præ se ferre faciem, siquidem labium plerumque superius alta simplicique, rarius (a) duplii fissura dissunitum, rarissime inferius (b) labium consimili hiatu deturpatum, nec adeo frequenter palatum simul divisum conspicitur. Equidem tantum non omnes, chirurgiam labii leporini describentes fissuram palati non omittunt, plerumque tamen ab aliorum fide dependent. Qui autem eam oculis usurparunt, simplicis saltem fissuræ plus vel minus profundæ mentionem faciunt, quos inter (c) ROONHUYSEN & (d) van HORNE non

) 2

postre-

(a) vide Miscellan. Nat. curios. D. II. A. VIII. p. 135.

(b) Solingen manual. operat. P. I. C. 35.

(c) Historie. Curar. L. 2. Obs. 1. p. 6.

(d) Apud BARTHOL. Epistol. Medicinal. C. 3, Ep. 81.

postremum occupant locum. An vero duplex palati fissura ab ullo auctore, superiorem observationem si excipias, observata fuerit, me, ut ingenue fatear, omnino latet. Quare a præsenti scopo non plane alienum fore existimo, si historiam duplœem palati hiatum illustrantem candide atque concise describam. Nimirum fœmina quædam plebeja, in optimo ætatis flore constituta, ac novem circiter hebdomadas grava, paucis ab hinc annis in forum descendens de improviso adveniente virum labio leporino laborantem adspiciebat, conspectuque ejus inopinato perterrita mœsto admodum ac conturbato animo domum redibat. Ab illo tempore ingrata illa labii leporini idea menti renitenti licet ac reluctant multoties obversabatur, gravidamque inquietudinis reddebat plenissimam. Etenim non mediocri animus ejus formidine angebatur, ut ne embryoni similis labes adspergeretur, præcipue cum aspectus ejuscemodi præter opinionem contingentes malo huic sapissime occasionem præbuisse, plus simplici vice audivisset. Septimus gestationis mensis vix effluxerat, cum e somno tranquillo excitata rupturam in ventre cum strepitu insigni conjunctam sentiret, quam illico fluxus humoris aquosi per genitalia excipiebat. Tanta autem quantitate liquor ille intra brevissimum temporis intervallum promanabat, ut facile duodecim mensuras pondere aquaret. Evacuato humore illo dolores partui consueti nostram infestabant, ac iisdem aliquandiu continuatis fœtus mortuus ac immaturus in lucem prodibat. Adstantes deformitate faciei conturbati ancipites hærebant, utrum infelix puerpera monstrum, an vero fœtum enixa esset. Sed exquisitiori examine instituto apparebat clare, fœtum non nisi labio leporino deformatum esse; præterquam enim quod labium superius alte erat fissum maximeque hians, duplex quoque fissura in palato observabatur; harum una ad fauces pene usque protensa dextram palati partem tam profunde dividebat, ut ejusdem lateris narium

rium foramen cum ore nonnisi unam effingeret cavitatem, altera autem in opposito latere & quidem in media saltem palati parte animadvertebatur. Præterea ex antica palati profunde scissi parte gingiva adnata per labii hiatum ita extuberabat, ut propter albedinem & solito majorem duritiem ad dentis faciem aliquantum accedere videretur. Uti itaque historia hæcce duplē palati fissuram cum labio leporino complicatam perspicue probat; ita ex ea simul elucescit, aliquando abortui immodicam liquoris amnii quantitatem occasionem dare. Præterquam enim quod nullus dolor uteri spasmodicus, aut alia sonifica causa suspicionem de concitando abortu gignens præcesserat, ac insuper somno tranquillo sopita ex improviso rupturam membranarum fœtum obducentium perpessa erat, sane vel ipse liquor amnii stupenda prorsus quantitate excretus dilucide docere videtur, eum magna copia congestum tandem membranas perfregisse sibique ac fœtui exitum parasse. Ceterum in declarando hoc phœnomeno eruditi parum concordes sunt atque unanimes. Etenim alii idem a matris anima tenelli corpusculum construente atque imaginationis vi perturbata deducunt; alii effectum huncce ideæ a matre conceptæ atque embrynis menti, aut animæ sensitivæ, vel spiritibus animalibus communicatæ attribuunt; alii definitum quempiam humorum spirituumque innotum occasione imaginationis a matre ad fœtum, de hoc affectu producendo ne somniantem quidem, propagatum sibi concipiunt; alii ortum ejus ab ovo materno, non modo futuri embryonis, verum etiam labii fissi rudimenta complectente derivant; alii tenerima labii vel palati stamina ab humorum acredine & congestione fortuito dilacerari ac dissolvi arbitrantur; alii has & similes infantum deformationes a summi Architecti leges naturæ imperscrutabili modo invertentis vindicta, qua interdum mortales prosequitur, deducunt. Neque vero adeo mirari convenit, de istiusmodi morbis abstrusissimis in scholis Patho-

logórum tam diffonas vigere sententias; quis enim, easdem certis quibusdam hypothesibus niti, haud animadvertis? Quare qui sensel hypothesin quampliam est amplexus, ab ea difficulter se abduci patitur, quin potius ex quibusvis angulis argumenta conquirit, quibus non modo hypothesin suam sibi omnium veri simillimam stabilitat, verum quævis etiam phœnomena ad ductum ejus explicet, præcipue cum in eo maximam eruditionis vim & ingenii acumen consistere plerique omnino arbitrentur. Id vero nemini obscurum fore opinor, ad medelam labii leporini, quo infans fœdatus in lucem prodit, speculationes has omnes parum vel nihil facere. Evidem si matris imaginationi hoc in passu aliquid attribuendum venit, prophylactica cura haud improbanda esse videtur, ita ut hac lege stabilita Medici omnino sit, cui libet gravidæ cordate svadere, ut ab aspectu istius modi rerum, quibus plerumque vis labium leporinum excitandi adscribitur, probe sibi caveant, atque ideam inopinato conceptam, quantocytus fieri potest, excutiant; verum salutare hoc consilium quemlibet medicum cuicunque demum hypothesi addictum dare posse, aut idem ipsum consilium frustraneum prorsus esse atque irritum, si malum non a matris imaginatione, sed ab aliis caufis dependeat, rem accuratius perpendenti cognitu difficile non erit. Pergrata vero atque accepta ægrotanti hujusque agnatis est manus chirurgi perita, non fictitiam sed veram utilitatem adferens, eoque operam dirigens, ut non duntaxat dissolutum labium uniatur consolideturque, sed & formositas amissa faciei restituatur. Sutura cruenta id incommodi habet, quod dolorem & molestiam non mediocrem ægrotanti pariat, & plerumque cicatricem adspectui ingrataim post se relinquat, hinc nonnulli ad istiusmodi incommoda vitanda suturam sicciam haud parum commendant, tametsi hanc continendis labii fissi extremitatibus vix ac ne vix quidem sufficere, alii animadvertis. Quare non nemo ad firmandam suturam sicciam non infelici successu sequenti fascia est usus:

scili-

scilicet fascia justæ latitudinis & longitudinis eligitur, hujusque parti mediæ utrinque charta densa rigidaque ac linteo obducta ita adsuitur, ut libere protuberantes extremitates tanto spatio a se invicem distent, ut eadem, media fasciæ portione labio fisco applicata, buccas comprehendant. Namque corpora hæc rigida, extremitatibus fasciæ ad occiput delatis ibique firmatis, dum invertuntur, semel prehensas buccas non modo firmiter contineant, verum etiam os versus trudunt efficiuntque, ut labium fissum rite emplastris firmatum vix ullo oris motu distrahi queat. Per magni itaque refert, Chirurgum in operationibus dextre peragendis convenienti fasciarum instrumentorumque apparatu uti. Et profecto verbis digne exprimi nequit, quantum utilitatis hoc in passu mechanica chirurgiæ pariat, id quod in partium mutilatarum chirurgia luculenter observare est, de qua proxima in Panegyri distinctius paulo sumus acturi. Posteaquam enim

VIR JUVENIS ORNATISSIMUS
DOCTISSIMUSQUE

Dn. JOH. JAC. NEUHOLD,
Sempron. Hungar.

M E D I C . B A C C A L .

non modo in Vitembergensi & Jenensi, verum in nostra etiam Academia a Doctorum Professorumq; ingenii sagacitate usque rerum præstantissimorum ore diligenter pependit, nec non propria meditatione & exercitatione Artem imprimis Apollineam sex annos & quod excurrit strenue excoluit, paucis ante menibus a gratiofo nostro Ordine modeste petiit, ut ad examen theoreticum admitteretur. Admissus in eodem quæstiones propositas expedite & exacte explicavit, primamque in Medicina lauream ex merito obtinuit. Brevi post licentia publice legendi usumque lienis declarandi eidem est concessa, quo labore non citra eruditorum applausum perfunctus nihil magis in votis optatisque habuit, quam ut

ad

ad examen rigorosum seu practicum admitteretur. Sane & in
hoc singularem, quam sibi in Medicina comparavit, peritiam Ordini
nistro satis superque probavit. Quare, ut luculentum eruditio
nis suæ testimonium justumque laborum præmium assequeretur,
prælaudatus Ordo ipsum perquam dignum judicavit, cui summa
in arte Medica brabea assignentur. Eum in finem proximo Jo-
vis die, ventilata prius more solenni *Dissertatione inaugurali*
DE USU LIENIS, saepius jam laudatus Dominus Candi-
datus a me, cui ad præviam Facultatis nostræ denominatio-
nem a Reverendissimo, Serenissimo atque Celsissi-
mo Principe ac Domino, DOMINO
MAURITIO WILHELMO,
Duce Saxoniæ, Juliæ, Cliviæ, Montium, An-
griæ & Westphaliciæ, Postulato Administratore
Episcopatus Martisburgensis, Landgravio Thu-
ringiæ, Marchioni Missiæ & superioris & infe-
rioris Lusatiae, Comite principali dignitate Hen-
nebergico, Comite de Marca, Ravensberg, &
Barby, Domino in Ravenstein, Cancellario hu-
ius Academiæ perpetuo, Domino meo longe Cle-
mentissimo vices Procancellariatus gratosissime sunt delegatæ,
Licentiati titulo, honoribus, dignitate & privilegiis solenniter or-
nabitur. Huic ipsi solennitati ut *Magnificus Academiæ Rector*,
Comites illustrissimi, Proceres utriusque Reipublicæ gravissimi,
ut & Generosissimi Nobilissimique Dn. Studiosi præsentia sua ma-
jorem splendorem conciliare velint, est quod humanissime roga-
mus; omnibus ac singulis animum ad quævis officiorum ge-
nera paratissimum vicissim promittentes. P.P. Lips.
d. XXI. Dec. An. M DCC XXII.

LITERIS TITIANIS.

Ch. 29728